

Velkomin á Lionsþing í Ólafsvík 2022



Boð til Lionsþings í Ólafsvík 22. og 23. apríl 2022

Lionsklúbbarnir í Ólafsvík bjóða með ánægju og tilhlökkun til Lionsþings í Ólafsvík 2022.

Þingsetning mun fara fram í íþróttahúsi Snæfellsbæjar í Ólafsvík en þar verður einnig afhending gagna. Þar mun einnig verða þinghald í fjölmudæmi og í umdæmi 109B. Umdæmisþing 109A mun verða í safnaðarheimili Ólafsvíkurkirkju við hlið íþróttahússins. Skólar embættismanna munu allir verða í Grunnskóla Snæfellsbæjar sem er einnig í næsta húsi við íþróttahúsið. Samsagt allt á sömu torfunni.

Kynningarkvöld mun fara fram í sal á hafnarsvæðinu og verður það á léttum og skemmtilegum nótum líkt og á þinginu 2007. Glæsilegt lokahóf verður síðan í félagsheimilinu Klifi í Ólafsvík og verður útgangspunkturinn þar líka léttleiki og að allir skemmti sér sem allra best. Boð fjölmudæmisstjóra/bæjarstjóra verður í Pakkhúsinu.

Fjölbreytt gisting er í boði í mörgum verðflokkum en aðal gististaðir eru Hótel Ólafsvík og Gistiheimilið Við Hafð.

Verðskrá:

Hádegisverður föstudag	3.300
Kaffi og meðlæti síðdegis föstudag.....	1.500
Hádegisverður laugardag	3.300
Kaffi og meðlæti síðdegis laugardag.....	1.500
Kynningarkvöld föstudag.....	3.900
Lokahóf laugardag.....	12.900
Þinggjald.....	14.000
Gisting á Gistih. Við Hafð, herb.m. morgunmat nóttin.....	10.990
Gisting á Hótel Ólafsvík, herb.m. morgunmat nóttin.....	19.550

Lionsklúbbarnir í Ólafsvík munu leggja allan sinn metnað í að allur aðbúnaður og umgjörð þingsins verði eins og best verður á kosið og nýta þar reynslu sína af þinghaldi fyrri ára.

Það er okkar metnaður að þátttakendur njóti sín í leik og starfi líkt og á síðasta þingi í Ólafsvík 2007.

Ólafsvík, 28. febrúar 2020

Lionsklúbburinn Rán og Lionsklúbbur Ólafsvíkur





Velkomin á Lionsþing í Ólafsvík 2022

Lionsklúbbarnir í Ólafsvík bjóða með ánægju og tilhlökkun
til Lionsþings í Ólafsvík 22. og 23. apríl 2022.





Snæfellsbær - Undir Jökli

Lionsklúbbunum í Ólafsvík er það mikil ánægja að bjóða til Lionsþings í Ólafsvík 22. og 23. apríl 2022

Þingið og Ólafsvík

Ólafsvík verður miðstöð þinghaldsins og mun mannlíf bæjarins og næsta nágrennis að mestu leiti snúast um það. Fundarhald verður í Íþróttahúsi Snæfellsbæjar og safnaðarheimili Ólafsvíkurkirkju, skólar verða í grunnskóla Snæfellsbæjar í Ólafsvík. Allar þessar byggingar eru á sömu torfunni svo að ekki tekur nema 2-3 mínútur að ganga á milli húsa.

Kynningarkvöld

Kynningarkvöldið verður með hefðbundnu sniði að hætti Snæfellinga, á þinginu sem Ólsarar héldu 2007 var kynningarkvöldið í aflagðri fiskverkun á hafnarsvæðinu. Að þessu sinni höfum við ákveðið að flytja okkur til og höfum við fengið sal sem er einnig á hafnarsvæðinu en býður ekki síður upp á möguleika til að skemmta fólki. Gert er ráð fyrir lifandi tónlistarflutningi og ljúffengum veitingum sem bera þess merki að Ólafsvík er útgerðarbær.

Makadagskrá - Skoðunarferð

Farið verður með maka í skoðunarferð laugardaginn 23. apríl um Snæfellsbæ en þar er margt að sjá og upplifa. Við gerum ráð fyrir að ferðin verði óvissuferð og því verður ekki gefið upp hvert verður farið, hvar verður að eða hvað verður til skemmtunar í ferðinni. Makar þingfulltrúa eru velkomnir í ferðina, frítt er í ferðina fyrir þá.

Lukahóf

Lukahófið verður haldið í Klifi, félagsheimilið Klif er eitt glæsilegasta félagsheimili landsins. Boðið verður upp á glæsilegan hátíðarkvöldverð og dansleik með lifandi tónlist á eftir.

Gisting í Snæfellsbæ

Í Ólafsvík eru fjögur hótél og gistiheimili: North star hótél, Við hafið, Welcome apartments og Bikers Paradise. Á Hellissandi og Rifi sem eru í um 7 mínútna akstursfjarlægð eru 3 til viðbótar, The Freezer hostel, Hótél Hellissandur og Gistiheimilið Virkið. Samtals bjóða þessir staðir upp á gistingu fyrir um 230 manns. Í Staðarsveit og Breiðuvík sem eru rétt hinum megin við Fróðárheiði eru 9 hótél og gistiheimili sem bjóða upp á gistingu fyrir um 535 manns, má þar m.a. nefna Hótél Búðir, Hótél Hellnar, Kast guesthouse og Langaholt. Í Grundarfirði sem er í 20 mínútna fjarlægð er gististaðir eins og Hótél Framnes, Grund guesthouse, Kirkjufell guesthouse o.fl.

Til viðbótar við hótél og gistiheimili er mikið framboð af heimagistingu og svo er frábær aðstaða bæði á Hellissandi og í Ólafsvík fyrir tjöld, vagna og hjólhýsi.

Upplifun á Snæfellsnesi

Snæfellsnes hefur upp á margt að bjóða, afþreyingu og skoðun hverskonar. Ber þar fyrst að nefna Snæfellsjökul, kórónu Snæfellsness, svo fagan að annað þótti ótækt en að stofna um hann þjóðgarð. Þjóðgarðurinn var stofnaður 28. júní 2001 og þykir hann um margt merkilegur vegna sérstöðu svæðisins í jarðfræði og landmótun. En áhugaverðir staðir innan hans auk Snæfellsjökuls eru td. Arnarstapi, Djúpalónssandur, Dritvík, Gufuskálar, Lóndrangar og Þufubjarg. Miklir möguleikar eru til útivistar á svæðinu.





Ýmis söfn og sýningar eru í Snæfellsbæ svo sem Pakkhúsið í Ólafsvík, Gestastofa Þjóðgarðsins á Malarriði, Sjóminjasafnið á Hellissandi og að sjálfsgöðu Frystiklefinn á Rífi en hann er atvinnuleikhús og suðupottur alls kyns snilldarverka og tónleikahalds í bland við annað viðburðahald. Kirkjur Snæfellsbæjar eru fimm talsins, á Staðarstað, Hellnum, Brimilsvöllum, Ingjaldshóli og Ólafsvík. Ólafsvíkurkirkja er nokkuð sérstök í útliti en úr lofti er hún í laginu eins og flattur fiskur, Ingjaldshólskirkja er talin elsta óbreytta steinsteypta kirkja í heimi og er friðlýst. Gaman er að skoða hana ásamt þeim fjölmörgu áhugaverðu gripum sem eru í eigu hennar.

Ýmsu er hægt að kynnast á Snæfellsnesi. Hér er einna styðst í hvalaskoðun á landinu en boðið er upp á slíkar ferðir frá Ólafsvík. Einnig er hægt að fara í ógleymanlegar siglingar um innanverðan Breiðafjörð þar sem fjölbreytt náttúra eyjanna og fuglalíf eru skoðað, en við Breiðafjörð eru hafarnir flestir á Íslandi. Víða við ströndina má sjá seli flatmaga í fjörunni og fuglalíf er fjölbreytt.

Möguleikar til útivistar eru miklir á Snæfellsnesi, ber þar fyrst að nefna ferðir á Snæfellsjökul, gönguleiðir innan Þjóðgarðsins og utan eru fjölmargar og af öllum gerðum þannig að allir ættu að geta fundið eitthvað við sitt hæfi. Rauðfelldargjá í Breiðuvík er eitthvað sem allir þurfa að skoða og eins er það mikil upplifun að heimsækja Vatnshelli.

Þá eru möguleikar á stangveiði miklir á Nesinu þar sem sumar af bestu ám og vötnum landsins eru staðsett.

Fjórir 9 holu golfvöllir eru á Snæfellsnesi, í Ólafsvík, í Grundarfirði, í Stykkishólmi og í Staðarsveit.

Sundlaug er í Ólafsvík og er stutt síðan hún var mikið endurbætt. Einnig er nýendurnýjuð útilaug á Lýsuhóli en hún er heilsulaug. Hestaleigur eru víða í Snæfellsbæ.

Sjóminjasafn er að finna á Hellissandi, safnið er í uppbyggðri þurrabúð þannig að þar sést vel hvernig sjómennirnir bjuggu. Ýmis önnur söfn er að finna í sveitarfélaginu.

Allir Lionsfélagar velkomnir

Allir fullgildir Lionsfélagar, þótt þeir séu ekki kjörnir þingfulltrúar, eiga rétt á setu á umdæmis- og fjöllumdæmisþingi sem áheyrnarfulltrúar.

*Við bjóðum því alla Lionsfélaga velkomna á þingið,
Lionshátíðina og einstaka viðburði.*

Frekari kynningu á Snæfellsbæ er að finna á þessari slóð:
<https://snaefellsbaer.is>

Einnig er hægt að skanna QR kóðann til að komast á síðuna



**Sjáumst heil í Ólafsvík
dagana 22. – 23. apríl 2022**

Lionsklúbbur Ólafsvíkur

Lionsklúbburinn Rán

